



**AWIG - AWIG DESA ADAT
KERIDAN**



KERIDAN
23 - 12 - 1992



AWIG - AWIG DESA ADAT KERIDAN



KERIDAN
23 - 12 - 1992

DAFTAR ISI

MURDHA WAKYA.....	1
SARGHA I ARAN LAN WAWIDANGAN.....	1
SARGHA II PAMIKUKUH LAN PATITIS.....	1
SARGHA III SUKERTA TATA PAKRAMAN.....	2
PALET 1 INDIK KRAMA.....	2
PALET 2 PATURUNAN LAN LALUPUTAN.....	4
PALET 3 PARUMAN.....	5
PALET 4 PRAJURU.....	6
PALET 5 INDIK PADRUWEN DESA.....	7
PALET 6 INDIK KULKUL.....	8
PALET 7 SUKERTA PAMITEGEP.....	9
Kaping 1 Indik Tegal, Karang, Lan Carik.....	9
Kaping 2 Indik Papayonan.....	9
Kaping 3 Wawangunan.....	10
Kaping 4 Indik Ngaletehin Karang.....	10
Kaping 5 Indik Ngentasang Sawa.....	10
Kaping 6 Indik Padem ring Pakarangan anak Lian.....	11
Kaping 7 Dusta Miwah Bhaya.....	11
Kaping 8 Tataning Maseserep.....	12
Kaping 9 Wawalungan.....	13
Kaping 10 Panyanggran Banjar.....	13
SARGHA IV SUKERTA TATA AGAMA.....	14
PALET 1 DEWA YADNYA.....	14
PALET 2 RESI YADNYA.....	17
PALET 3 PITRA YADNYA.....	18
PALET 4 MANUSA YADNYA.....	21
PALET 5 BHUTA YADNYA.....	21
SARGHA V SUKERTA TATA PAWONGAN.....	22
PALET 1 INDIK PAWIWAHAN.....	22
PALET 2 INDIK SENTANA.....	24
PALET 3 INDIK WARISAN.....	26
PALET 4 INDIK SUTREPTING PAWONGAN.....	26
SARGHA VI NEGARA LAN PAMIDANDA.....	27
PALET 1 INDIK WICARA.....	27
PALET 2 INDIK PAMIDANDAN.....	27

Om Swastyastu, Awig-awigane desa silihana,
Pawong pasahan Kraos Desa Adat Keridan, pamaran Awig-Awig Desa Pakraman maka tepati silihana
silihana pasahan, watah kraos desa silihana, silihana kraos desa silihana, silihana kraos desa silihana, silihana kraos desa silihana
silihana kraos desa silihana

SARGHA I
ARAN LAN WAWIDANGAN

Pawong 1

- 1. Desa Adat pamukti mawidangan Desa Adat Keridan
2. Ajar wawidangan silihana
a. Sas Watan Tukad Yeh Parahon
b. Sas Kulan Pangkang Nungkat
c. Sas Lan Bedagil Subak Sert Neka lan Telaba Subak Sert Neka
d. Sas Kraos Desa Adat Keridan
3. Kakawuh
a. Pucupuh kawang pamuktian manggih pamuktian Desa pakraman
b. Kawaningra Sert, Cangk, wawidangan Tegalan, ring kakawuh wawidangan Desa pakraman
manggih tetajakan Desa Adat
4. Desa Adat Keridan wawidangan (1) Banjar Adat
5. Banjar Adat mawidangan pamuktian Desa Adat, kawang ngandi pamuktian
6. Tembakan mawidangan pamuktian Banjar, kawang ngandi pamuktian Banjar lan kawang ngandi pamuktian
pamuktian
7. Mada Pamukti Desa Adat Keridan mawidangan
a. Wawidangan Kawaningra
b. Bale Pamuktian Desa
c. Bale Kawaningra

SARGHA II
PAMUKUKUB LAN PATITIS

Pawong 2

- Desa Adat Kraos ngawidangan pamuktian mawidangan
a. Pamuktian
b. Undang-Undang Desa 1947, pamuktian pasal 18
c. Tri 1948 Kraos mawidangan Sadacara Agama Hindu

MURDHA WAKYA

Om Swastyastu, Awighnamastu namo sidham,
Putusing paseban Krama Desa Adat Keridan, gumawe Awig-Awig Desa Pakraman maka sepat siku-siku pameneh, wastu kasidhan prayojanan mami kabeh, prasama angiddep muah amagehaken kadi linging Awig-Awig iki.

SARGHA I ARAN LAN WAWIDANGAN

Pawos 1

1. Desa Adat puniki mawasta Desa Adat Keridan
2. Jebar wawidangannya nyatur :
 - a. Sisi Wetan : Tukad Yeh Panahan
 - b. Sisi Kulon : Pangkung Nungkak
 - c. Sisi Lor : Bedugul Subak Seri Neka lan Telabah Subak Seri Neka
 - d. Sisi Kidul : Setra Desa Adat Keridan
3. Kakuwub :
 - a. Papupulan karang paumahan manggeh palemahan Desa pakraman
 - b. Kahyangan, Setra, Carik, miwah Tegalan, ring kakuwub wawidangan Desa pakraman manggeh telajakan Desa Adat.
4. Desa Adat Keridan wantah asiki (1) Banjar Adat
5. Banjar Adat mawak pahan Desa Adat, kawenang ngardi pararem.
6. Tempekan mawak pahan Banjar, kasinanggeh tangan sukuning Banjar tur tan kawenang makarya pararem.
7. Maka Piranti Desa Adat Keridan minakadi :
 - a. Wawangunan Kahyangan.
 - b. Bale Paruman Desa.
 - c. Bale Kulkul.

SARGHA II PAMIKUKUH LAN PATITIS

Pawos 2

Desa Adat Keridan ngamanggehang pamikukuh minakadi :

- a. Pancasila
- b. Undang-Undang Dasar 1945, pamekas pasal 18
- c. Tri Hita Karana manut Sadacara Agama Hindu.

Pawos 3

Patitis Desa Adat Keridan :

- a. Mapatitis ngerajegang Sanghyang Agama
- b. Nginggilang tata prawertine maagama Hindu
- c. Ngarajegang kasukertan Desa saha Pawongannya sekala lawan niskala

SARGHA III SUKERTA TATA PAKRAMAN

PALET 1 INDIK KRAMA

Pawos 4

Sane kabawos krama desa inggih punika :

- a. Kaluwarga sane maagama Hindu tur jenek mapumahan ring wawidangan Desa Adat Keridan.
- b. Sajaba punika/tios ring punika kabawos tamyu.

Pawos 5

Dasar pakraman :

1. Sahanan warga Desa sane sampun marabian patut ngawit makrama Desa Adat.
2. Satunggil krama manut karendahan kaluwargannya patut keni ayah-ayah sinalih tunggil:
 - a. Ayah marep.
 - b. Ayah balu.
 - c. Ayah pengele.
 - d. Ayah pengerembe.
3. Sasengker ngawit tedun ngayah yan sampun marabian tigang sasih saking wusan maprayascita alit utawi mabaya kaonan/makala-kalan.
4. Pangayah ngarep wenang nyada, yan sampun kapastikayang antuk parararem luire:
 - a. Sakit tahunan tan tinambanan.
 - b. Yusane sampun lingsir (60 tiban)
5. Kaluwarga sane maagama Hindu wiwitan saking warga desa sewosan wenang ngaranjing makrama, prade pacang jenek mapumahan ring wawidangan Desa Adat Keridan.
6. Yan Tan jenek mapumahan kadi ring ajeng wenang dados panumpang.
7. Sang ayat ngaranjing makrama utawi numpang patut atur upeksa ring Bendesa Adat, indik genah paumahan utawi panumpangnya.
8. Sulus kalih tata cara ngaranjing makrama desa utawi numpang kaanutang ring pararem.

Pawos 6

Wusan makrama :

Sinalih tunggil kulawarga wusan makrama desa; prade kulawarga inucap

- a. Magingsir saking linggih wawidangan desa adat.
- b. Wit piwal ring pararem krama desa, utawi tan tinut ring patuduh prajuru indik nyupat raga ngesehin prawerti.
- c. Katiwakin panidanda norane, olih kelihan Desa Adat tur kapikukuhin antuk pararem Desa adat.
- d. Pamidanda nganorayang inucap, atur upekisa ring guru wisesa.
- e. Sang katiwakin pamidanda inucap, prade kukuh patut digelis keatur piuning ring Guru Wisesa.
- f. Sang wusan makrama desa tan polih pah-pahan sahananing druwen desa.
- g. Desa wusan mapaweweh pasayuban kasukertan sakaluire marep ring sang kanorayang.

Pawos 7

Ayahan Balu.

Ayah-Ayah Balu luire :

1. Balu remban sane pianaknyane kantun alit-alit, keni ayah-ayah manut pararem.
2. Balu remban luh wiadin muani, yan pianaknyane sampun taruna/deha keni ayah-ayah sawengkul.
3. Balu Ngalentik keni ayah-ayah manut pararem.

Pawos 8

Silur Ayah-Ayah.

Sajeroning ayah-ayah krama kasulurang :

1. Dados ngawakilang ring anak sewosan sane sampun menek taruna/deha mayusa 17 tiban ngunggahang.
2. Dados mapuankid, prade wenten kabuatan-kabuatan luire
 - a. Keni dadawuhan ring Guru Wisesa
 - b. Kaluwasan, ngawangun umah, mayadnya miwah kabuatan sewosan
 - c. Kapiambeng (sungkan, matepetin, kapademan lan sakancannya).
3. Dados ngompog utawi numbas prade
 - a. Dados pegawai pemerintah utawi swasta.
 - b. Magingsir genah jenek ngarereh pangupa jiwa ring Desa sewosan %-rutus tatacara panumbas ayah-ayah kasulurang ring pararem.

Pawos 9

Ayah-Ayah Pengerembe

1. Sahanan Warga Desa sane sampun mayusa anom miwah deha, sowang-sowang patut tedun ngayah kawastanin ayah taruna, miwah sane deha kawastanin ayah-ayah Deha.
2. Ayah-ayah teruna miwah deha kapupulang ring sekehaa teruna-teruni
3. Sahanan warga Desa sane durung mayusa anom miwah dehe keaturin ayah-ayah anom.
4. Ayah-ayah anom kepupulang ring sekehe Teruna-Teruni Sari/Persiki.

Pawos 10

Tedun makrama :

1. Nyulurang tedun makrama kalih ngetang rarobahan ayahan luiire:
 - a. Ngawitin ngetang nangken nyepi (sasih kesanga) ring ayahan ngarep
 - b. Ngetang premangkin marep ring ayahan balu.
2. Sahanan indik wusan makrama adat kaetang premangkin.
3. Nangken ayatan panumayan ngawentenang rarobahan inucap patut Bendesa adat ngawantunin nyacah jiwa ngetangang kalih mastikayang pakraman miwah ayah-ayahan kadi ring ajeng ring pawidangan Desa adat.
4. Kepastikayang nyacah jiwa pamekas indik pakraman miwah ayah-ayah kapikukuhang antuk pamutus paruman Desane kandugi kengin kalaksanayang.
5. Kapastikan inucap digelis kasuratang ring ilikhita (buku daftar krama).

PALET 2

PATURUNAN LAN LALUPUTAN

Pawos 11

1. Paturunan utawi papeson krama Desa sajeroning ngupadi kasukertan kasulurang:
 - a. Pangayah ngarep keni sawungkul.
 - b. Pangayah balu rembon keni sawungkul.
 - c. Pangayah balu ngalentik keni manut pararem.
2. Desa mapaweweh laluputan ayah-ayah utawi pakenan-kenan ring sang nginggilang linggih, utawi sang kewelas asih.
3. Sor singgih laluputan miwah bacakan sane luput, kaunggahang ring pararem.
4. Sajeroning prajuru desa sane pastika patut polih laluputan pamekasnya :
 - a. Para Sadhaka makadi Pemangku Kahyangan lan penyade.
 - b. Para sрати lan sutri.
 - c. Sang sungkan tahunan tan tinamban.
 - d. Wong cedangga banget.
 - e. Wong alit ubuh meme bapa.

Pamastikan inucap ring ajeng kasulurang ring pararem.

Pawos 12

Swadharman Warga Desa, inggih punika :

Sareng sinamian warga Desa Adat, sane maagama Hindu tur magenah ring wewidangan pelemahan Desa Adat Keridan

1. Sahananing warga desa patut :
 - a. Dreda atuang ring Desa.

- b. Tinut ring sadaging awig-awig, pararem miwah pamutus-pamutus prajuru.
 - c. Tan maren ngutsahayang mangda Desa nyidayang kadi munggah ring ajeng pamekas indik dasar lan tetujon.
 - d. Tatak ring kertin Desa.
2. Wong Desa sane manggeh panumpang/tamyu ring Desa Adat puniki patut :
 - a. Tinut ring tatiwak Desa ngeninin indik ngupadi kasukertan Desa.
 - b. Tan wenten tungkas ring sapa margin kertin Desa genahnya jumenek.
 3. Sahanan warga Desa rawuhing sang kasinanggeh tamyu, wenang polih pesayuban ngamanggehang kasukertan rasa Agama saha druwenya sowang-sowang.
 4. Sahanan warga Desa polih pasayuban/pangayoman manut dresta lan kawenangan indik :
 - a. Sangaskara kahuripannya sane mabuat sane mastikayang sulur pakulawargan.
 - b. Kasukertan miwah kasucian dewek, parahyangan miwah karang paumahannya sowang-sowang.
 - c. Kasukertan padruwenya sowang-sowang.
 - d. Mawosin tur niwakin pamutus sahanan wicara.

PALET 3 PARUMAN

Pawos 13

1. Paruman ring Desa luire :
 - a. Paruman Desa Adat.
 - b. Paruman prajuru adat.
 - c. Paruman Banjar Adat.
 - d. Paruman Tempekan.
 - e. Paruman Teruna Teruni.
 - f. Paruman Persiki/teruna-teruni sari.
2. Sahanan paruman sidha lumaksana, yan sampun katedunin antuk sang patut nyarengin langkungan ring atenga ke ipun.
3. Sahanan pamutus kautsahayang pisan mangda malarapan antuk saka tilinganing ambek, gilik briyuk siyu, paras-paros salungsung sabayantaka, suarane makehan dados pamutus.
4. Ring sahanan paruman tan maren kamanggalanin antuk ilen ngarcana Ida Bhagawan Panyarikan malarapan antuk widhi widhana sanistan ipun Canang pangerawos miwah Cane.

Pawos 14

Tataning Paruman :

1. Paruman Desa patut kawentenang ngatahun apisan nangken tanggal pisan pangawit içaka wasta.
2. Nangken Paruman kadi ring ajeng bendesa Adat nyiarang pamargin ngenterang Desa pamekas indik :
 - a. Ngunjuk lungsur krama miwah ayah-ayah.

- b. Pamargi panelas miwah sulur artha berana druwen Desa.
 - c. Pamargin usaha desa sane mabuat.
 - d. Sahanan wicara saha pamutus-pamutusnya.
 - e. Daging pararem miwah pasuara-pasuara sane mabuat.
 - f. Pangerencana prajuru indik usaha ketin Desane kapungkur.
 - g. Miwah sane sewosan.
3. Sahanan sasiare ring ajeng katibenin saha katiwakin pamutus antuk pararem Desa.
 4. Pamutus pararem inucap ring ajeng, sinanggeh sepat siku-siku sane patut kasungkemin saha katinutin antuk wong desa sami pamekas antuk prajurune.
 5. Sejaba kadi menggah ring ajeng, paruman Desa patut kawentenang prade kawidi olih krama sane sanistanipun pah tiga pupulan krama Desa.
 6. Sangawidhi patut mastikayang bantang sane sandang bawosang ring peparuman inucap.
 7. Prade prajuru Desa ngarasayang mabuat pisan, taler patut ngawidhi ngawentenang peparuman desa.
 8. Paruman Desa inucap, taler patut katiwakin pamutus kadi menggah ring ajeng.

Pawos 15

Paruman Prajuru :

1. Paruman prajuru Desa patut kawentenang sanistanne tigang sasih apisan.
2. Paruman inucap katuntun antuk Bendesa adat.
3. Paruman prajuru kawentenang wantah ngaricikang tata upaya/pangunadika ngalaksanayang usaha miwah pangarencana saka luire.
4. Sahanan rerancangan tan wenang kalaksanayang sabanen kapikukuhin antuk pamutus paruman Desa manut dadudonan.
5. Paruman wantah sinanggeh ngawisesa sane wenang nyelem putihang tata pangenter desane manut dresta.

PALET 4 PRAJURU

Pawos 16

1. Desa Adat Keridan kaenterang olih Bendesa adat.
2. Banjar adat kaenterang olih Kelihan Adat.
3. Tempekan-tempekan kaenter olih kelihan tempekan nunggal-nunggal.
4. Bendesa adat, Kelihan Adat, Kelihan Tempekan kaadegang malarapan antuk parumannya sowang-sowang.
5. Bendesa adat pinaka pangenter Desa, kasanggara olih prajuru-prajuru luire :
 - a. Panyade pinaka wakil
 - b. Panyarikan pinaka juru surat

- c. Patengen pinaka pangemong druwening Desa adat.
- d. Kelihan pinaka pangenter Banjar adat.
- e. Kelihan tempekan pinaka pangenter tempekan-tempekan.

Pawos 17

Swadharmaning prajuru :

1. Swadharmaning Bandesa Adat luire :
 - a. Ngenterang paruman-paruman Desa Adat.
 - b. Ngenterang pangelaksana daging-daging awig-awig miwah pamutus pararem.
 - c. Ngaraksa miwah midabdabin tataning ngangge saraja berana druwen Desa.
 - d. Ngenterang saha nuntun krama ngupadi kasukertan sekala lan niskala.
 - e. Nuntun saha nyaksinin tatacara miwah sangaskaraning kahuripane mabuat sane ngilitang sulur pakulawargan.
 - f. Nuntun saha ngenterang iwarga desa ngupadi nginggilang sanghyang Agama, kasucian kahyangan, kasucian pawengan, kasucian palemahan miwah tata caraning setra.
 - g. Mawosin miwah niwakang pamutus marep ring wicaran wargan Desa.
 - h. Ngawakilin Desa matemuang bawos ring sapisira ugi.
 - i. Lan sios-siosan sane wenten paiketannya ring Desa Adat.
2. Tata carane ngalaksanayang swadharma ring ajeng tan maren patut anut ring awig-awig, pararem, dresta miwah pamutus paruman Desa.
3. Pangelaksanane ring ajeng patut kasiarang ring paruman kapungkur ipun.
4. Bandesa adat sumakuta/sumanggup natak pamutus paruman desa ngenenin swadharma sowing-sowang.

Pawos 18

Olih-olihan prajuru :

1. Olih-olihan prajuru unicap kasuluran manut pararem.
2. Laluputan lan pakenan-kenan taler kasulurang ring pararem

PALET 5

INDIK PADRUWEN DESA

Pawos 19

1. Tri Kahyangan, Setra/ Sema lan Pura Prajapati.
2. Palaba sane marupa tanah carik sane malinggah 60 are.
3. Ilikhitan Palaba inucap kasuratang ring ilikhitan Desa.
4. Tanah Palaba Pura saha upon, punya kalih sahananing druwen Desa Adat sami, kapastikayang kaatur miwah katitenin olih prajuru kaanggen nyanggra kabuatan Desa Adat.

PALET 7
SUKSES PALET 7
Pawos 20

Oliih-olihi Desa Adat luire :

1. Palihi saking Palaba Desa/Pura
2. Uruman saking krama Desa Adat.
3. Paica saking guru Wisesa.
4. Panya saking Punyawan.
5. Olih-olihi utawi usaha-utsaha Desa Adat sane sewosan.

PALET 6
INDIK KULKUL

Pawos 21

1. Kulkul ring Desa luire :
 - a. Kulkul Desa Adat.
 - b. Kulkul Banjar Adat.
 - c. Kulkul tempekan.
 - d. Kulkul sekeha-sekeha.
2. Kulkul Desa manggeh piranti/sarana tatengeran, kabuatan anggen wangsit ring wawidangan Desa Adat.
3. Kulkul Desa tan wenang katepak yan tan manut kadi linging awig-awig puniki utawi yan tan sangkaning pituduh Bandesa Adat/Kelihan Banjar manut dadudonan sajawaning rikala pacang ngwentenang tatengeran kadi menggah ring ajeng.
4. Sang nepak kulkul tan sangkaning pituduh prajuru, patut digelis atur upeksa ring Kelihan, saha nguningang kabuatan panepake kadi ring ajeng.
5. Sabanan kulkul Banjare patut nyarengin katepak, prade wenten amuk bayapati.
6. Tabuh tepakan kulkul Desane pastika masewos-sewosan manut kabuatan sane kasulurang ring pararem sakadi :
 - a. Tatengeran Upacara Yadnya
 - b. Tatengeran ngawit ngalaksanayang pakaryan kadi sampun kaarahang utawi kasiarang.
 - c. Sinalih tunggil warga Desa seda
 - d. Tatengeran wong kapelegandang
 - e. Tatengeran wong Desa kamalingan
 - f. Tatengeran wong Desa kabegal, kaamuk, kabaok, geni bhaya, miwah bhaya pati sewosan.
7. Swaran kulkul sekeha-sekeha sakaluire ring Desa/Banjar adat tan wenang matehin swaran kulkul Desa/ Banjar Adat.

PALET 7 SUKERTA PAMITEGEP

Kaping 1 Indik Tegal, Karang, Lan Carik

Pawos 22

1. Sahanan karang paumahan patut :
 - a. Pastika wenten wates ipun
 - b. Mapemedalan karurung
2. Bandesa Adat patut ngutsahayang mangda sami pakarangan warga Desa kadi ring ajeng.
3. Sahanan krama patut ngawatesin karangnyae sowang-sowang jantos sidha trepti nyatur Desa.
4. Wates karang sane majepitan, patut kategen olih krama sane mahuluan kawates inucap manut dresta
5. Telajakan karang sowang-sowang patut kapiara antuk krama sane nuwenang karangnyane.
6. Margi ring harepan karang krama sowang-sowang, patut kapiara antuk krama Desa Saba kasarengin antuk krama sowang-sowang sane nelajakin.
7. Tatu miwah olih-olihan/woh-wohan sane maurip ring wates kadi ring ajeng kadruwe olih krama adruwe wates.

Kaping 2 Indik Papayonan

Pawos 23

1. Tanem tuwuh sakaluire, miwah tata ngangge karang tan wenang ngungkulin utawi naonin miwah ngawinang pocol panyandingnyane.
2. Prade wenten kadi inucap (1), wenang katepas gantungin saha katelasin olih krama sane madruwe tanem tuwuh mayanin panyanding punika saha carane .
 - a. Krama sane tanem tuwuhnyane mayanin panyandingnya atur supeksa ring prajurune, mangda kasaksinin rikala melasin/notor ngebah lan salanturnya.
 - b. Atur supeksa ring prajuru, nunas tempo panumayan pacang makarya nelasin.
 - c. Sadurung lintang tempo prade tanem tuwuh/tatangunan sane mayanin panyandingnya rubuh, tan jumuga antuk linuh, angin sabeh lan sakancannya sang adruwe luput saking kaiwangan.
 - d. Tanem tuwuh/tatangunanane sane rubuh punika wenang kataban antuk sang keni bhaya.
 - e. Saluwiring tanem tuwuh miwah tatangunan sane ngungkulin utawi mayanin panyandingnyane, panepat gantung wenang maren ngjeroang adepa agung (Jebih kuwang 2,50 Cm) saking wates.
 - f. Tanem tuwuh sane wenten adepa agung (2,50 Cm) ngajeroang saking wates, tegeh ipun dados duang depe agung (2 x 2,50 Cm).
 - g. Tanem tuwuh sane wenten ring wates, tegeh ipun dados 1½ depa agung utawi telung meter (3m)

3. Taler tan wenang makarya lolohan toya pangutangan kakarang panyandingnya.
4. Salawiring tanem tuwuh miwah tatangunan krama ring pakarangannya rubuh tur mayanin tatangunan krama lianan, yadyan sajeroning pakarangannya, patut krama inucap sane (sane mayanin negen prabeyan pasangaskaran, yan sang keni baya sampun atur upeksa mayanin punika, kabukti antuk sang keni baya.
5. Krama desa patut ngamanggehang kawerdian tanem tuwuh sane ngawinan Desane asri tur ajeg.

Kaping 3 Wawangunan

Pawos 24

1. Nyabran ngawangun patut :
 - a. Masadak ring prajuru, prade wawangunan punika ngeninin wates.
 - b. Ngangge asta bhumi miwah gaguluk asta kosala-kosali, sanistane manut patitis niskala.
 - c. Tan nyayubin/naonin/ngungkulin pisaga.
2. Prade wawangunan jantos nyayubin bilih-bilih temboke ring telengin batas, ri sampun kawara tur kasadokang ring prajuru, wenang kadanda manut pararem, saha tembok punika kagubar utawi kakaryanang abangan.

Kaping 4 Indik Ngaletihin Karang

Pawos 25

1. Tan wenang nanem utawi nunjel sawa miwah awak-awakan sawa ring karang paumahan.
2. Tan wenang makta (ngengahang) barang sakaluire, sane ngaletihin ring karang paumahan, bilih-bilih yan kaletehannya ngalantur sinanggeh ngalimbak kakarang anak siosan miwah Desa palraman manut Agama.

Kaping 5 Indik Ngentasang Sawa

Pawos 26

1. Ngentasang kapatutang ring pakarang miwah pamedalan sane mula yogya pamargin sang madrue sawa, yadyastun wenten pamedalan siosan.
2. Ngentasang sawaring carik wiadin tegal anak lian, kapautang manut. pituduh prajuru Desa lan prajuru subak.

Indik utaman ngentasang sawa kasulurang sakadi :

- a. Tanah sane kamarginin kadi inucap patut kaprayascita antuk sang madrebe sawa, tur ngamargiang ring tanah sane kaentap pinih rihin selantur ipun tanah sane kaentap unukuran patut kasiratin kewanten antuk tirtha pamrayascitan punika.
- b. Ngentasang sawaring tukad, pangkung, sang madruwe sawa tan sangdang ngawentenang pamrayascitan ring genah-genah sane kaentap punika, Sakemawon yening ring telabah, sang madruwe sawa wenang kakeninin upakara pamrayascita.

Kaping 6

Indik Padem ring Pakarangan anak Lian

Pawos 27

1. Yan wenten jadma padem ring karang paumahan wiadin tegal miwah carik lian, genah punika patut kaprayascita antuk sang madrebe sawa nganutin sapatuduh sang madrebe karang katuntun anak Bandesa Adat.
2. Yan wenten sawa wiadin barang sewosan sane sinanggeh letuh manut Agama tan wenten sajantenan sang madruwe, patut kasanggra tur kapastika indik pangupa ayunnya antuk Desa, wasampune polih panugrahan sang Guru Wisesa.

Kaping 7

Dusta Miwah Bhaya

Pawos 28

Indik Dusta :

1. Lalasana sane sinanggeh Dusta luire :
 - a. Mamaling/ngebaok ngerampok.
 - b. Malegandang.
 - c. Nastika utawi duracara ring Agama miwah sakancanya.
2. Sahman warga desa prade uning wentene jadma malaksana Dusta ring sajeroning Desa pakramannya, patut digelis atur upeksa ring prajuru.
3. Bilih-bilih mabuat kawentenne, sang uning inucap patut digelis nepak kulkul Desane manut ring rupan pangelaksanaan dustane.
4. Prade wenten Jadma tios saruron ring dusta patut kadanda kadi dandaning maling sakweh cacakan manut pararem Desa, tur prade jantos ping tiga malaksana asapunika wenang kasukserahan ring Guru Wisesa.
5. Prade wenten Jadma ngarereh reramon minakadi daun kelapa, ron tanpa sadok ring sang nruweyang, wit prade kacunduk patut sang adruwe masadak ring Prajuru yan pastika carah keni danda manut perarem.

Pawos 29

Wasalugan

Indik Bhaya

1. Sane kasinanggeh bhaya luire:
 - a. Jiwa bhaya.
 - b. Artha bhaya.
 - c. Geni bhaya.
 - d. Toya bhaya.
 - e. Amuk bhaya pati.
2. Sahanan warga desa praade uning ring kawentenan bhaya utawi panangkan bhayane, patut pramangke atur uning ring prajuru/Bandesa Adat.
3. Bilih mabuat kawentenan ipun, sang uning patut digelis nepak kulkul Desane, tata titi panepakan kulkul kaanutang ring pararem.
4. Prade ring Desa kahanan Jiwa bhaya, patut kawentenang Pangepahayu Desa, tur sang mayanin kaaturang ring sang ngawiwenang.
5. Prade wenten jadma mamisuh utawi manguman-uman jadma tiosan ring Kahyangan sakaluire, kakaenin pamidanda manut pararem.

Kaping 8

Tataning Maseserep

Pawos 30

1. Warga Desa sane kaicalang/kamalingan prade pacang maseserep patut nunasan bebasan miwah panuntun ring Bandesa adat utawi Guru wisesa.
2. Prade genah maseserep ngalangkungin ke Desa sewosan, patut taler nunas bebasan saking Bandesa Adat irika utawi Guru wisesa.
3. Bandesa Adat nucap ngicen panuntun, mangda tata carane maseserep manut ring drestane.
4. Sahanan warga Desa prade polih nuduk barang sakaluire patut atur upeksa ring Bandesa Adat.
5. Bandesa Adat patut nyiarang barang dadudukan punika, mangda sang madruwe prasidha rawuh mariangken jati tan jati punika mula wantah padruwennya.
6. Prade tigang sasih tan wenten jadma mariangken/ngelingin, wenang kadruweyang antuk nuduk, sasampun polih lalugrahan saking sang ngawiwengan/Guru Wisesa.

Kaping 9

Wawalungan

Pawos 31

1. Tan wenang ngelebang wawalungan luire :
Bawi, Kambing, Kebo, Misa, Kuda, miwah sakancannya, bilih-bilih ngantos ngrusak panyandingnya miwah ring margine.
2. Sahanan warga Desa miara sakaluire wawalungan patut sayaga nitenin negul/ngalogorin mangda ubuhannya tan wenten ngrusak kadi ring ajeng.
3. Prade wenten wawalungan ngeleb, saha ngeranjingin pakarangan lianan sang madruwe karang sane karanjangan punika wenang malungguhang sane nruweyang wawalungan punika, bilih-bilih ngawinang jantos ngrusakin, mangda katunasang babawos ring Bandesa Adat, raris prajurune niwakang pamidanda manut sudasana pararem.
4. Bilih-bilih asasih ping tiga sampun malungguhang, wawalunganne wenang kataban, sang naban punika patut atur uninga ring prajuru/Bandes Adat sapunika taler wawalunganne sane kataban wenang kapiara lih sang naban sadurung katebus olih sang madruwe.
5. Sang nruweyang patut nebus, tur agung alit panebusanne katiwakang antuk prajuru kadulurin pamidanda manut karucakan sane kawetuang miwah ngawaliang prabeya miara selami ring genah sang naban.
6. Prade wenten wawalungan ngeranjing ring kahyangan, sang madruwe wawalungan punika patut kasisipang antuk danda prabeyaning upakara pamarisudha sapatutnya, agung alit upakara manut pamastikan prajuru madasar antuk Smerti Agama Hindu lan pararem Banjar.
7. Yen wenten wawalungan keni palungguhan, bilih-bilih jantos kataban, nanging tan wenten sane ngangkenin masuwe tigang rahina patut wawalungan punika kaaturang ring prajuru Desa.
8. Yen wawalungan punika padem tan sangkaning kakardinan sajero ning mataban, sang naban punika tan wenang ngarsain pangentos pangarga prabeya miaranin ring sapa sira ugi, taler sang madruwe wawalungan punika tan wenang ngarsayang pangentos pengargan ring sapa sira ugi.
9. Tata cara malungguhang/naban miwah nebas wawalungan mangda majalaran antuk sauninga lan sapatuduh Bandesa Adat.

Kaping 10

Panyanggran Banjar

Pawos 32

1. Krama Desa rikala ngawentenang karya suka miwah duka patut kasanggra antuk Banjar/tempekan manut kabuatan luire :
 - a. Pitra Yadnya.
 - b. Desa Yadnya.
 - c. Bhuta Yadnya.
 - d. Manusa Yadnya.
 - e. Resi Yadnya.

- f. Ngingsirang tatangunan.
 - g. Miwah karya-karya tiosan sane mabuat kapastikayang antuk pararem Banjar.
2. Banjare patut madarsana antuk rasa paramatulung ring sang madruwe karya, nanging tan maren miteketang kasusatian kramane ring Banjar.
 3. Bilih karyaane abot, banjare wenang ngarereh pitulung ring Banjar sewosan.

SARGHA IV SUKERTA TATA AGAMA

PALET 1 DEWA YADNYA

Pawos 33

Genah suci

1. Kahyangan panyiwian Desa Adat Keridan
 - a. Kahyangan Puseh
 - b. Kahyangan Desa
 - c. Kahyangan Dalem
 - d. Kahyangan Mrajapati
 - e. Kahyangan Melanting
2. Rahina piodalan ring sowang-sowang Kahyangan inucap inggih punika
 - a. Kahyangan Puseh, rikala rahina Somo Ribek wuku Sinta.
 - b. Kahyangan Desa rikala Buda Umanis Wuku Kulantir.
 - c. Kahyangan Dalem ring rahina Buda Kliwon Gumbreg
 - d. Kahyangan Mrajapati ring rahina Buda Kliwon Gumreg
 - e. Kahyangan Melanting ring rahina Saniscara Kliwon Wariga

Pawos 34

Widhi Widana

1. Pengaci ring sowang-sowang Kahyangan inucap ring ajeng- (pawos 33, nomor 1 lan 2), kalaksanayang manut dadudonan sane menggah ring Purana tur Kasanggra antuk Banjar secara magilir manut pararem.
2. Bandesa Adat/Prajuru mangda nuntun sahanan upakara widhi widana kamanggehang manut sakaawentenannya luire:
 - a. Ngagalung
 - b. Ngusaba Desa Lan Ngusaba Nini
 - c. Tawur pangaci indik kadurmenggalan.
 - d. Ciwaratri
 - e. Pagerwesi
 - f. Saraswati
 - g. Tumpek Landep
 - h. Tawur Kasanga (Penyepian), miwah rarahinan sane sewosan manut pararem madasar antuk Purana Agama Hindu.

3. Prabeyan sarwa pengaci manggeh ka buatan Desa, kamedalin antuk krama Desa.
4. Bandesa Adat sareng angga prajuru patut nitenin pidabdab lamakane Desane sidha trepti asuci laksana nganutin kabuatan upakara manut Purana.
5. Sang kacihnann ngrusak pidabdab inucap ring ajeng wenang katiwakin pamidabdab manut pararem.

Pawos 35

Kasukertan Kahyangan

A. Tan kalugra ngaranjing kakahyangan :

1. Sang katibenin cuntaka, makadi sebel saking ngaraga:
 - a. Sebel kandel ngarajasewala selami sadereng mabersih.
 - b. Sebel madruwe putra selami 42 hari/rahina lan sane lanang selami 12 rahina.
 - c. Sebel pangantenan selami durung mabhyakala.
 - d. Sebel riantuk madruwe kaluarga kapademan / kalayu Sekaran kantos masapuh / sadurung tutug pangalemijian.
 - e. Sahanan Jadma patita (pianak astra), wong bobot tan kasinangaskaran, wong mamitra ngalang, wong edan, miwah candalane siosan sadurung kalukat utawi kaprayascita manut Agama Hindu.
2. Maktasahanan barang sinanggeh ngaletuhin.
3. Sato Agung (suku pat) sajawaning rikala mapapada.

B. Tan Kalugra malaksana sane ngaletihin, upami :

1. Masumpah (cor) sajawaning pituduh prajuru.
2. Makobetan, masenengan makolem dados asiki lanang wadon, mabacin miwah solah sane ngawinang wihara sewosan.
3. Ngambahan rambut, sajawaning rikala katapak/kalinggihin antuk bhatara.
4. Mungguh tedun ring palinggih-palinggih yan tan kalugra olih prajuru.
5. Krama sane uning utawi manggih yening wenten jadmaga ngaletuhin kahyangan kadi inucap, patut matur ring prajuru, yen tan kengin ngaturang sinanggeh saruron ring corah.
6. Prajuru tan wenten katinutin, utawi mamurug larangan/gaguat inucap wenang kasisipang antuk danda manut
7. Prajuru patut mastikayang sane wenang nyanggra tapakan-tapakan ilen sane patut kapingitan kasuciannya makadi arca, pangawin, keris, miwah barang sane suci sewosan.
8. Bandesa adat saha angga prajuru tan maren nureksain, nitenin mangda pamangku, panyade lan sutri rejeg nganutin sasana ring kahyangan kandugi tegteg kaheningannya.
9. Kahyangan panyiwian pamaksan pakulawargan sajabag Desa Adat Keridan sajeroning tata cara ngastitiyang kasuciannya patut saelon ring panyiwian Desa.
10. Yen tan manut kadi mungguh ring ajeng, pralinggan kahyangan inucap tan dados kasarengan rikala samuha/ nyejer ring bale Agung rikala ngusaba Desa / ngusaba nini lan upacara sewosan.
11. Tanah palaba Pura saha upon-upon punya kalih sahananing druwen Desa adat sami, kapastikayang kaatur miwah katitenin olih prajuru, anggen nyanggra kabuatang desa Adat.

12. Yening wenten Jadma karawuhang ring pura, kengin kapintonin prade rumasa kasumanangsayan, yan tan wiyakti jadma inucap, kasisipang antuk pamidanda manut pararem.
13. Sang mamurug gaguate ring ajeng, keni pamidanda pamrayascita sapatutnya manut pararem.

Pawos 36

Pamangku, Sрати lan Sutri,

1. Ring Desa Adat kawentenang Pamangku, Sрати lan sutri.
2. Pamangku, Sрати lan sutri inucap kaadegang manut dadudonan sakadi ring sor :
 - a. Ngelingin saking katurunan
 - b. Kapilih olih krama Desa Adat
 - c. Saking nyanjan.
3. Prabeya upakara ngwentenang adiksa widhi marep ring pamangku, sрати lan sutri, kamedalin antuk krama desa rnanut kabuatan lan kawentenannyane saha kapikukuhang ring pararem.
4. Prabeyan upakaraning pitra Yadnya marep Pamangku, Panyade, sрати lan sutri, sadane kapungkur wekas saiawaning kamedalin antuk kulawargannya taler wenten sedana Desa kasulurang ring pararem.
5. Pamangku kengin kasanggra olih panyade manut kabuatan.

Pawos 37

Swadarmaning Pamangku, Panyade, Sрати lan Sutri.

A. Swadharman Pamangku lan Panyade

1. Nuntun krama Desa ngamanggehang kasucian kahyangan.
2. Munggah tedun ring palinggih kahyangan panyiwian Desa miwah ngiyasin pralingga manut pamastikan prajuru.
3. Nuntun saha nabdabang ilen Yadnya krama Desa ring penyiwian Desa, miwah ring genah suci sewosan sane wenten ring wawidangan Desa Adat Keridan manut kabuatan krama.
4. Rajeg nganutin sasanan Pamangku manut Tatwa Agama Hindu.

B. Swadharman Sрати lan Sutri :

1. Ngenterang krama Desa sajeroning midabdabin upakara Yadnya manut pmastikan Prajuru.
2. Nyanggra Pamangku-Pamangku sajeroning ngilenang upakara Yadnya.
3. Tan maren ngutsahayang kamanggehang kasucian angga lan Desa Adat.
4. Pamangku, Panyade, Sрати lan Sutri tan kengin kaadegang luire :
 - a. Cedangga (buta, bongol, peceng, perot lan sakancannya).
 - b. Gring ila miwah sakancan penyakit sane manular.
 - c. Nastika (tan ngugonin pangajah Agama)

Pawos 38

Kasuwudang Pamangku

1. Pamangku kagentosin riantukan :
 - a. Seda
 - b. Pinunas ngaraga, manawi kageringan lan sakancannya.
 - c. Kasuwudang antuk krama sangkaning melaksana sane tan patut.
2. Prade Pamangku kasuwudang majalaran antuk malaksana sane tan patut keni pamidanda manut pararem.

Pawos 39

Patias utawi olih-olihan Pamangku

1. Saking panyolongan sarin canang kasulurang ring pararem.
2. Saking upon-upon palaba miwah punya sewosan kasulurang ring pararem.
3. Laluputan urunan miwah pakaryan kasulurang ring pararem.

PALET 2 RESI YADNYA

Pawos 40

Indik Mapodgala

1. Sang pacang mapudgala/madwijati patut nunas panugrahan ring Parisada Hindu Dharma Indonesia miwah Guru Wisesa, taler patut masadok ring Bandesa Adat.
2. Bandesa Adat inucap patut sareng nureksain, mangda sulur kalih pamarginnya yakti-yakti manut ring kecapiing Agama Hindu, sane patut katureksain pinih ajeng kacendaanggan miwah karnulusan wasana mahuripe.
3. Prade wenten sinanggeh kantung kamer, prajuru inucap patut nguningayang ring sang rumawos (Parisada Hindu Dharma Indonesia lan Sang Ngawiwenang).
4. Prajuru inucap patut sareng ngawas nitenin pamargin upacara/upacara.
5. Krama Desa patut ngawentenang punya manut kabuatannya saha kasulurang ring pararem.
6. Sawusan pamargin upacara inucap, Bandesa Adat patut digelis nyiarang indike punika ring paparuman Desa

Pawos 41

Nitenin Sang sampun mapodgala

1. Prajuru nuntun ngamanggalanin krama Desane upeksi nitenin sapamargin para wikune ring wawidangan Desa Adat Keridan, pamekas mikukuhin kasucian Ida.
2. Bandesa Adat patut digelis atur uninga ring nabennya, prade wenten wiku sasar laksana tur atur piuning patut kadulurin cihna anut ring Tri Pramana (bhukti, ilikhita mwah saksi).
3. Daging pamutus bawos sane katiwakang olih nabennya patut digelis kasiarang ring paruman Desa.
4. Prade pamutus tatiwake ring ajeng kapineh durung sidha tinas apadang, Bandesa adat atur upeksa ring sang rumawos (Parisada Hindu Dharma Indonesia utawi pemerintah)

5. Pamutus tatiwak nabe sane sampun dasanggra antuk sang rumawos inucap sinanggeh pamutus pastika, tan kawicaranan malih.
6. Ring kapungkurwekasan, rikala wenten sang sulinggih seda ring sajeroning Desa Adat Keridan, I krama adat patut ngaturang ayah lan puunya manut pararem.

Pawos 42

Indik Nitenin Pamargin Yadnya

1. Sang pacang mawinten maka buatan pacang mamargi ngamangkunin nyonteng, Kabayan, Dalang, saha luinya pacang ngenterang/ngantebang Yadnya, patut masadok ring prajuru Desane.
2. Prajuru inucap patut ngawas nitenin, mangda pamargine manut ring kecaping Agama.
3. Prajuru Desane wenang ngalangin, prade kacihnan sasar ring kecaping Agama miwah drestane.
4. Sang tan terima ring tatiwak prajuru inucap, dados nunas pamutus pastika tan kawicaranan malih.
5. Prajuru Desane patut sareng nyaksinin pemargin upacara sang mawinten, lumaris kasiarang ring paruman Desa, tegap rawuhing wates kawenangan penganteb Yadnyane sane dados kamargiang manut panugrahan Dang Guru/ Resi.

Pawos 43

Indik Muput Yadnya

1. Krama Desa patut sareng ngawas nitenin katuntun olih Prajuru, mangda sahanan Yadnyane sane kawentenang kaicen pamuput olih Sang sulinggih manut kawenangannya sowang-sowang.
2. Prade wenten ngalempasin, bilih-bilih sane pastika nyumuka, prajurune wenang ngalangin utawi ngurungang Yadnya punika, prade kadurusang, Yadnya saha padewasannya sinanggeh tan wenten ayah.
3. Sang ngalempasin patut katiwakin tungkas ring pamidanda olih prajuru, agung alit manut sudašana pararem.
4. Prade sang katiwakin tungkas ring prajuru, wenang tunasang bawos ring sane patut ngicenin pamutus, pamekas tan wenang kawicaranan malih.
5. Sapasira ugi sane mayadnya saha kapuput olih Sulinggih, kawenang taler ngaturang Daksina katuntun olih prajuru kasulurang ring pararem.

PALET 3 PITRA YADNYA

Pawos 44

Upakara lan nyanggra atiwa-tiwa,

A. Upakara :

1. Bacakan yusan Jadma sane kengin tan kengin tiwakin upakara luire :
 - a. Wong rare durung mayusa tigang sasih tan kengin kaaben, nanging wenang antuk nglungah.
 - b. Wong rare sane mayusa lintangan ring tigang sasih tur sampun ketus untu kengin kaaben.

2. **Sahanan upakara miwah dadudonannya, kaanutang ring sastra Agama Hindu sane lumaku ring Desa Adat Keridan manut pararem.**

B. Nyanggra atiwa-tiwa:

1. Pakaryan atiwa-tiwa kengin kasukserah ring Banjar utawi tempekan manut kabuatan.
2. Banjare utawi tempekanne sumakuta nyanggra yan sampun manut kadi ring awig-awig Desane.

Pawos 45

Padewasan atiwa-tiwa :

1. Krama sane pacang ngawentenang atiwa-tiwa, sadurunge patut masadok rumuhun nunas bebasan ring Bandesa Adat.
2. Prajuru, Bandesa Adat patut nitenin tur nuntun mangda jadma punika tinas tan nyantulin kasukertan Desa, pamekas tan nyepungin kasucian Desa miwah Kahyangan.
3. Pidabdab nitenin tur nuntun kadi inucap kaenterang luire:
 - a. Prade wenten jadma padem sajeroning masengker pitung rahina dados kaaben, sajawaning ring Banjaran wentern kabuatan tios makadi :
 1. Nemonin pamelaspan Kahyangan Desa, pamekas ring Tri Kahyangan (Pura Puseh, Pura Desa, Pura Dalem lan Mrajapati).
 2. Nemonin rarahinan Gumimakade Purnama, Tilem miwah sakancannya.
 3. Nemoni rarahinan Gumi tiosan sane kalintang membuat
 - b. Ngabenang sang padem sangkanin tan sareh, sakit ila miwah sakancannya wenang kaaben, sakemawon maweweh antuk upkara penebusan sapatutnya.

Pawos 46

Indik Mendem Sawa utawi ngeseng sawa

1. Pidabdab mendem/ngeseng sawa kasulurang sakadi ring sor puniki,
 - a. kapastika tan dados nginepang bangbang pacang namen sawa.
 - b. Sawa wong rare sane durung mayusa tigang sasih (150 rahina) patut kapandem pramangke tan ngetangang padewasan drestaning sema.
 - c. Sajeroning abanjaran yen wenten pacang mendem sawa lintangan ring adiri a rahina ring setra nunggal, patut sane pinih tampekan ring genah setra punika ryinan mamargi.
 - d. Sajeroning a rahina ring pabanjaran prade wenten mendem sawa lan ngaben, ilen mendem sawane patut kamargiang rumuhun, selanturnya wawau ngilenang upakara pangabenan.
 - e. Jadmane sane padem sakaning salah pati, ngulah pati, sakit ila, sawane dados ngeranjing ring pakubonan.
 - f. Sapasira ugi sane pacang makarya kuburan/gagumuk rihin patut ngawentenan pasadok ring prajuru.
 - g. saluwir gagumuk ring setra sane kasinanggeh ngalikadi patut kagubar olih kulawargan sane madruwe.
 - h. Tan dados malebu utawi mendem sawa ngapuwenang.

2. **sapasira** ugi mendem sawa patut ring setra/tunon, tan dados ring karang paumahan, tegal miwah carik lan sane sewosan.
3. **Yening** prade wenten sinalih tunggil krama Desa ngamanggihin sawa tan kapariangken, patut **masadok** ring prajuru, tur I Prajuru patut ngulurang indik punika ring Guru Wisesa.

Pawos 47

Indik Setra/Tunon

1. Genah ngeseng/mendem sawa pawongan sang maagama Hindu ring Desa adat Keridan kawastanin Setra/ Tunon.
2. Sang pacang ngangge setra/tunon sadurunge patut masadok ring Bendesa Adat nunas babebasan, saha tata ngangge manut kadi dresta lan sapatuduh prajuru inucap.
3. Krama Desa sinamian patut nitenin, mangda sahananing leteh setrane ten ngelahlah/kabakta kadesa pakraman, bilih-bilih kakahyangan.
4. Tan dados ngalangkar watang, yan saha upacara, agung alit manut pararem.

Pawos 48

Indik Pananjung batu

Prade wenten sawane pacang kapendem ring setra boya wantah wargan Desa Adat Keridan, patut nawur pananjung batu/panukun setra, agung alit manut pararem.

Pawos 49

Indik Kacuntakan

1. Sane kasinanggeh cuntaka sekadi ring sor puniki :
 - a. Cuntaka antuk kalayu sekaran
 - b. Cuntaka antuk ngaraja sewala
 - c. Cuntaka antuk ngembasang putra
 - d. Cuntaka antuk karuron
 - e. Cuntaka antuk sakit ila, buduh miwah sakancannya.
 - f. Cuntaka antuk pawiwahan
 - g. Cuntaka antuk gamya gamana
 - h. Cuntaka antuk salah timpal
 - i. Cuntaka antuk yening wenten anak istri mobot durung kasinangas
 - j. Cuntaka antuk mamitra ngalang.
 - k. Cuntaka antuk ngembasang rare sane durung kasingaskaran.
 - l. Cuntaka antuk Sad Atatayi
2. Sengker Cuntaka manut kabuatannya tur kasulurang ring pararem
3. Tan keneng Cuntaka luire :
 - a. Sang sulinggih lan Pamangku Kahyangan Tiga/Kahyangan Desa
 - b. Rikala piodalan sedeng mamargi utawi risampun galah tengah.
4. Sang tungkas ring pidadab Desa, keni danda manut pararem.

PALET 4 MANUSA YADNYA

Pawos 50

1. Desa Adat Keridan nitenin sinalih tunggil krama nglaksanayang Manusa Yadnya manut kabutannya.
2. Indik Manusa Yadnya, mapegamel ring sastra Agama nganutang ring dresta Desa, kapikukuh antuk krama manut pararem.
3. Sang pacang nglaksanayang Manusa Yadnya sane mabuat mangda masadok ring prajuru.
4. Sang piwal ring pidabdab Desa, keni danda manut pararem.
5. Manusa Yadnya inggih punika upacara-upacara Dharmaning kahuripan ngawit saking patemon Kama Bang Lawan Kama Putih ring sajeroning garbha gumentos kalayu sekarang riwekas.
6. Upacara inucap kadudonan sekadi ring sor .
 - a. Magedong-gedongan
 - b. Dapetan (wawu medal)
 - c. Kapus Udel
 - d. Roras rahina
 - e. Tutug akambuhan
 - f. Ningang sasihin
 - g. Paweton (nem sasih apisan)
 - h. Ngarajasewala
 - i. Matatah
 - j. Mawiwaha
 - k. mawinten
7. Upacara-upacara unicap nista, madhya, utama manut sastra agama lan drestan desa.

PALET 5 BHUTA YADNYA

Pawos 51

1. Desa Adat Keridan nganggra Bhuta yadnya kabuatan Desa, taler nite nin kabuatan bhuta yadnya sinalih tunggil krama.
2. Indik Bhuta yadnya Desa Adat Keridan, mapagamel ring, sastra Agama, nganutang ring drestan Desa tur kapikukuh olih krama.
3. Sang pacang nglaksanayang Bhuta Yadnya sane mabuat, mangda masadok ring prajuru
4. Sang mamurug pidabdab Desa, keni danda manut pararem
5. Bhuta Yadnya inggih punika upacara-upacara pabyakala ring pertiwi lan kahyangan, sarwa prani, saha upacara ring kabhutan tiosan.
6. Upacara pabhayakala ring Sarwaprani luire :
 - a. Ring Tumpek Pangatangnumpek wariga
 - b. Ring Tumpek Kandang/tumpek Uye
 - c. Upacara pakala-pakalaan manusa anut Widhi widhana taler kabawos pabhayakala.

7. Upacara pabhayakala ring pertiwi lan kahyangan kawastanin macaru
8. Pacaruan inucap ring ajeng, nista, madhya, utama, manut kawingunan, lan kabuatan sakadi ring sar puniki :
 - a. Ekasata
 - b. Pancasata
 - c. Panca sanak
 - d. resi Gana
 - e. Pancakelud
 - f. Tawur Agung.
9. Sajawaning kadi ring ajeng kawenteneng taler upakara :
 - a. Masegeh manut kawigunan lan kabuatannya.
 - b. Yadnya sesa/ngejot riwusan ngarateng

Pawos 52

1. Nangken ngawarsa ring sasih kalima, kapitu lan kasanga kawenteneng cacron manut dresta Agama Hindu
2. Rikala ngalaksananayang tawur/caru nasi kasanga kadulurin antuk pangrupukan saha kamargiang ring rahina Tilem.
3. Sawusan macaru lan ngrupuk benjangnyane patut ngelarang Panyepian, saha pabratan sakadi :
 - a. Amatigeni = tan kalugra maapi-api
 - b. Amati Karya = tan kalugra ngambil pakaryan
 - c. Amati lalungan = tan ka lugra maleluasan
 - d. Amati lalungan = tan kalugra masuara utawi nyuarang sarana sane keras-keras.
4. Pabratan jnucep kamargiang saking semeng ring pananggal apisan ngantos wengi rawuh ring benjang semeng ringpabffal ping kalih gumentos kulkul pangembake kasuarayang.
5. Sang mamurung kecape ring ajeng, keni pamidanda manut pararem sane kamargiang olih Patelik utawi Pacalang.
6. Riwus rahina Nyepi (benjangane), makacihna pangawit Icaka Warsa patut krama desa ngawenteneng pangaksama majalaran antuk Upacara

SARGHA V SUKERTA TATA PAWONGAN

PALET 1 INDIK PAWIWAHAN

Pawos 53

1. Indik pawiwahan/alaki rabi, Desa puniki ngamanggehang daging Undang-Undang Perkawinan RI No. 1 tahun 1974 saha peraturan pelaksanaannya No. 9 tahun 1975.

2. Sinalih tunggil krama kapastika saha parabiannya, yan sampun saha widhi widhana manut Agama Hindu inggih Punika Makala Kalaan, Kasaksi antuk prajuru saha ngalinqga tanganin ngalantur kasuratang ring kantor catatan sipil Kabupaten Tabanan.
3. Sang ngalaksanayang alaki rabi mangda masadok ring prajuru.
4. Palaksanaan utawi pemargin pawiwahan luire :
 - a. Papadikan
 - b. Ngarorod-ngerangkat riyin wawau kakruna
 - c. Nyeburin utawi Nyentanoyang
5. Pidadab sang pacang mawiwaha:
 - a. sampun menggah deha/taruna
 - b. Sangkaning pada arsa.
 - c. Manut Kecaping Agama
 - d. Kawisudhayang prade pangambile tios Agama
6. Sang piwal ring pidabdab Desa Adat, kakeninin danda manut pararem

Pawos 54

Pawarangan

1. Sinalih tunggil krama yan pacang ngawarangan kulawargannya, patut masadok ring Bandesa Adate sanistan ipun 10 raina sabane dewasa ancer-ancer pawaranggannya.
2. Bandesa Adat patut mariteesin prade pamargine sampun manut ring drestaning pawarangan, patut kaicen pasayuban sapatutnya.
3. Yan pawaranggannya lempas ring kakecap Agama, ring pamastian Uger-uger pemerintah, prajuru inucap maweh panuntun tur pawaranggannya patut kaurungan.
4. Prade panureksanya nyihnyayang pawarangan sampun patut, upakarannya dados kaurungan.
5. Ring panumayan upakara pawidhi-widhanannya, prajuru inucap patut nodya pinaka saksi.
6. Prajuru punika saksi patut nitenin indik sulur pamargin pawaranggannya sane mabuat upami, babaktan, tetaddan, Jiwa sang pradhana lan selanturnya.
7. Bandesa Adat digelis nyuratang pawaranggannya inucap ring ilikhitannya, saha nyiarang ring paruman Desane.

Pawos 55

Ngerorod/Ngerangkat

1. Krama sane nampi wong ngarorod patut premangkin masadok ring Bandesa Adate.
2. Bandesa Adate patut digelis netes sang ngerorod, maka buatan marityaksayang pamargaine manut tan manut ring dresta
3. Bilih sampun nepek pamargine ring dresta, Sang ngarorod miwah sang nampi polih pamikukuh pasayuban Desa makadi Bandesa Adat
4. Prade pamargine tan manut ring dresta, kawehin pasayuban olih Bandesa Adate.
5. Bandesa Adate digelis patut ngutsahayang matuhu wirang ring sang katetehan punika, prade doh genah linggihnya menawi ring dura Desa tur pikolih utsahane kaatur ring sang rumawos manut dudonan.

6. Sang ma biseka sasampune kaparitetes wasta kalih umahnya, patut katundung saking wawidangan Desa Adat Kelating.
7. Krama sane nampi patut katetes saha katureksa manut ring prakertinya, yan sasuron ring corah/nyarengin misekayang wenang kadanda agung alit manut pamutus Bandesa Adat tepekang ring Pararem

Pawos 56

Netes

1. Sang maseserep sane pacang netes pangerorodane, patut masadok tur panuntun ring Bandesa Adat, turmaning Bandesa Adat patut nureksa natasang jati tan jatine patut pernah wirang ring sang ngarorod.
2. Yan lingginyane jati-jati pernahwirang, Bandesa Adate patut digelis nganter saserep punika kaumah genah sang ngarorod.
3. Sang maseserep patut tinut ring sapatuduh Bandesa Adat ngeninintata tetes pangerorordan luire :
 - a. Ngeranjing ring umah inucap, tan langkungan saking duang dini.
 - b. Tan kengin makta kalih mabawos purusnya/nantang.
4. Bendesa Adat patut midabdabin mangda tatacara panetesanne maka buate mangda anake istri ngarangkat jati jati polih neraangan idepnyane saking bebas pisan, luir pidabdabe :
 - a. Anake istri kagenahang ngaraga tan dados anak sewosan nampekin tur tinas ring ingane.
 - b. I Bendesa Adat nyulurang mangda sang maseserep polih mataken ring sang istri punika.
 - c. I Bandesa Adat nyumakutayang pamekas ring anak istri, yan pada arsa pangerorodanne sang masoserep wenang katundung.
5. Pamutus I Bandesa Adat gumanti madasar antuk pamutus idep anake istri inucap, mangda taler karawuhang ring sang nampi lan ring sang ngarorod.

PALET 2 INDIK SENTANA

Pawos 57

1. Desa Adat Keridan nitenin sinalih tunggil krama ngawentenang sentana.
2. Indik sentana, Desa Adat Keridan mapagamel ring uger-uger jagat Rpublik Indonesia, nganutang ring drestan Desa tur kapikukuh olih krama manut pararem.
3. Sang pacang ngadegang sentana mangda masadok ring prajuru
4. Sang mamurug ring pidabdab Desa, keni danda manut pararem.
5. Sentana wenten kalih pawos, sane kaucap pretisentana miwah sentana paperasan.
6. Pretisentana inggih punika sentana sane metu saking pawiwahan kapatut.
7. Saluwirin putra sinanggih astra, mangda ketiwakin pengaskara.
8. Prade pawiwahanne tan ngawetuang sentana kengin gidih sentana antuk upasaksi sekali niskala sane kawastanin sentana paperasan.
9. Sentana Rajeg inggih punika, presentana wadon (predhana) sane kamanggehang lanang (purusa) tur risarnpun ngalaksanayang pawiwahan nyeburin.

13. Sane ngamanggehang sentana rajeg patut masadok ring I Prajuru Banjar, tur I Prajuru digelis ring paruman banjar.

Pawos 58

Pamerasan sentana/ngangkat sentana.

1. Sapasira ugi krama pacang ngidih sentana, patut masadok ring Bendesa Adat sanistane asasih sadurung rahina pameraan.
2. Bendesa adat kawakilin antuk klian-klian banjar nyiarang ri sawidangan Desa, Sang sapa sira ugi rumasa tan lila (kaberatan) mangda digelis ngawentenang pasadok masengker kalih wuku sabanen pamaresan inucap.
3. Prajuru/Bandesa Adat gelis mawosin saha ngicenin pamutus bawos tepekang ring sastra miwah undang-undang jagat lan dresta tiosan
4. Prade sulur pamerasanya tan manut ring sastra miwah drestane Bandesa Adat patut ngadeng sang pacang makarya, saha ngicenin panuntun mangda kapuputan rahinan bebawos utawi sulur wicarannya.
5. Yen tata sulur pameran sane sampun manut, Bandesa adat ngicen pasayuban, gumanti upakara widhi widhana sidha kamargiang.
6. Ring ayatan panumayan upakara inucap kamargiang, Bendesa Adat patut nodya pinaka saksi.
7. Selanturnya Bandesa Adat digelis nyuratang ring ilikhitannya saha nyiarang ring paruman Desa/Banjar.
8. Ritatkala ngunggahang ilikhita patut pastikayang wenten tan wenten brana saha luire sane sinanggeh runtutan pamerasan.

Pawos 59

1. Sane kapatut peras anggen sentana kadi ring sor :
 - a. Jadma maagama Hindu
 - b. Papernahan nedunang saking sangmeras.
 - c. Kulawarga saking purusha, prade tan wenten, kengin saking wadon yening tan wenren wawu kengin se kamakama (saking kayun)
 - d. Kautamayang saking pancar kepurusha
 - e. Sinalih tunggil saking keluarga tunggal sanggah utawi Mrajan, paibon lan Dahya utawi ngambilin anak tios sakewanten sang ma Agama Hindu.
2. Keluarga kangkat ngangkat sentana langkungan ring adiri lanang wiadin wadon, sasampun anut ring pidabdab jagat.
3. Pamerasan sane kapatutang risampun makacihna :
 - a. Manut ring uger-uger jagat, dresta.
 - b. Ngamargiang pewidthi widhanan pamerasan
 - c. Yening ngangkat sentana langkungan ring adiri, patut upakara pamerasan punika niri-niri sajeronin rahina . sane mabinayan.
 - d. Kasaksi antuk duluh Desa.
 - e. Kasiarang ring paruman Desa.

PALET 3 INDIK WARISAN

Pawos 60

1. Desa Adat Keridan nitenin sinalih tunggil krama nglaksanayang indik warisan.
2. Indik warisan, Desa Adat mapagamel ring uger-uger jagat, nganutang ring dresta Desa, tur kapikukuh olih krama manut pararem.
3. Sang pacang ngindikang warisan mangda masadok ring prajuru
4. Sang mamurung pidabdab Desa, kekenin danda manut pararem

PALET 4 INDIK SUTREPTING PAWONGAN

Pawos 61

Ngemba sang rare.

1. Yen wenten krama madruwe putra, masengker rahina saking embasnyane patut masadok ring Bandesa Adat.
2. Bandesa Adate ngunggahang Sang embas punika ring ilikhitan Desane
3. Yen wenten krama ngembasang putra buncing (sane lanang) rihinan tur sane istri ungkuran, indike punika tan kabawos manak salah.
4. Sang kawentenannya kadi ring ajeng, krama Desa patut arsa paramatulung.
5. Prade wenten manusa kaletuhan sajeroning kawentenan kramanya maputra buncing, patut Desane ngawentenang pamarisudhan Desa manut Agama Hindu.

Pawos 62

Ngerobang

1. Sahanan krama sane ngerobang utawi ngajak anak sewosan lempas ring pakulawargane upami :
 - a. Ngajak wong duduk-dudukan
 - b. Ngajak nyama mulih saking makurenan
 - c. Jadma masundulang dewek
 - d. Ngajak Nyama mulih saking rajeg sentana
 - e. Wong pastika jenek, miwah sane tiosan patut atur supeksa ring Bendesa Adat.
2. Pasadok ring ajeng kadulurin antuk keterangan pastika ngeninin linggih, arta brana, tategenan krama kalih sang kaajak inucap.
3. Krama sane kaerobang/kaajak patut negen sunakuta (negen tanggung jawab) negenang lampah sang kaajak, arepe ring kasukertan Desane
4. Bandesa adate lumaris ngenggahang pasadok inucap ring ilikhitan Desane tur nyiarang ring paruman Desa.

Pawos 63

Tamyu,

1. Krama sane nampi tamyu jantos makolem, patut masadok ring Bendesa Adat.
2. Prade tamyune pacang madunungan jantos langkung ring awuku, Kelihan Adat (Kelian banjar) patut nureksain pisan mungguwing maka buatanya miwah surat katerangannya.
3. Bilih yen madunungan jantos sasihan utawi tahunan suwenyane patut kaunggahang ring ilikhtan Desa tur dunungab inucap patut sarang nedunin masuka duka manut linggih.
4. Yen tan tinut ring inucap, patut kadanda agung alit manut pasang

SARGHA VI NEGARA LAN PAMIDANDA

PALET 1 INDIK WICARA

Pawos 64

1. Sane wenang mawosin makadi matusan wicara ring Desa inggih Bandesa adat saha angga prajuru Adat.
2. Prade sang mawicara tan wenten cumpu ring pemutus Kerta Desa, kengin nunasang wicara inucap ring sang rumawos/ngawiwenang (Pengadilan Negeri)
3. Sahanan wicara mawiwit kecorahan saha luire sinanggeh nungkasin daging awig-awig pasuara miwah pararem Desa/Banjar, prajuru patut digelis mawosin tan nyantos masadok.
4. Sajaba wicara kadi ring ajeng, patut nyantosin pasadok sang nunas bawos.
5. Panepase patut pastika nyantenang iwang patut malarapan Tri premana (saksi, likhita, bhukti) miwah tan maren nepek ring catur deresta miwa huger-uger sang ngawiwenang.

PALET 2 INDIK PAMIDANDAN

Pawos 65

1. Desane wenang niwakang pamidanda ring warga Desa sane sisip.
2. Paniwak inucap kalaksanayang olih Bendesa/Kelian Banjar.
3. bacakan pamidanda luire :
 - a. Danda artha panukun kasisipan
 - b. Danda artha (panikel urunan)
 - c. Rerampangan
 - d. Panyangaskaran.
4. Pemidanda sane katiwakang patut masor singgih manut ring kasisipane.
5. Jinah utawi raja urana pamidanda ngaranjing dados druwe Desa Adat/Banjar Adat.

Pawos 66

1. Krama sane langkungan ring tigang sasih ngalantur tan nawur urunan miwah dadandan wenang karampang.
2. Rarampangan ngangge tatacara kadi ring sor :
 - a. Lakaksayang antuk Bendesa adat saha angga prajuru kasarengin antuk krama, sekene tigang diri maka saksi.
 - b. Sang ngarampang sakaning darsana ngambil barang utawi nyawenin tanem tuwuh, akehnya manut ring hutang sang karampang.
 - c. Prajuru/Bendesa adat mateketang mangda barang-barang sane karampang digelis katebus, masengker awuku ring kutus rahina pacang kaadol.
 - d. Tan dados ngarampang saluir barang sane kapingetang ma nut Agama Hindu miwah mademang pangupa jiwa sang karampang.

Pawos 67

1. Prade sang karampang ngawarang(ngalangin) palaksana inucap, mawastu sampun tan nganutin awig-awig, wenang kasadokang ring Guru Wisesa
2. Pamidanda inucap ring ajeng, keni buntas ri sampun sang kakenini
 - a. Nunas agung pangampura ring krama desa riantukan nguak pasubaya (pararem) pecak.
 - b. Nawur pangarang panguak pasubayanne duk pacang karampang saha hatur uninga ring Pura Desa antuk . upacara manut pararem.
3. Sang kandanda ri sampun ngamarginin kadi ring ajeng nomor kalih(2) wenang katerima malih dados krama banjar.

SARGHA VII **NGUWAH NGUWAHIN AWIG-AWIG**

Pawos 68

1. Nguwah nguwhin awig-awig Desa punika kalaksanayang malarapan antuk paruman Desa.
2. Awig-awig punika kamargiang ngawit kaingkupin (kararemin)
3. Sakaluring sane wenten sadurung awig-awig puniki, patut kaanutang ri sadaging awig-awig puniki.
4. Sakaluring sane durung kabawos sajeroning awig-awig puniki, patut kalaksanayang manut tatacara sane sarnpun mamargi kadulurin antuk pararem.
5. Daging sahanan pararem patut saelon ring awig-awig
6. Sane patut kaunggahang ring pararem inggih punika :
 - a. Dewasa ngawitin pamargin unteng-unteng daging awig-awig
 - b. Rincian daging awig-awig sane mbuat.
 - c. Agung alit pamidanda muwang punikel-panikelnya lan selanturnya
 - d. Tata sulklur ngamargiang daging awig-awig.
 - e. Sahanan sane tiosan anggen nyungkemin tur nyakepin awig-awig.

Pawos 69

1. Sajawaning pararem inucap ring pawos 68 ring ajeng, taler paswara-paswara paruman kajejerang anggen nyangkepin awig-awig
2. Daging paswara-paswara tan maren patut :
 - a. Saelon ring Daging awig-awig
 - b. Manut ring Dresta (Catur Dresta) lan Tattwa Agama Hindu.
 - c. Pastika nyamtenang dewasa pangawit pamarginnya.
 - d. Nyantenang agung alit dadanannya prade inucap kapurug.

SARGHA VIII PAMUPUT

Pawos 70

1. Awig-awig puniki kararemin duk rahina Soma, Wara Keliwon, wuku Wayang, tanggalping Tiga (3) 14 Icaka warsa 1914
2. Awig-awig puniki kalingga tanganin antuk Bandesa Adat maka sihna pamutusnya.
3. Sajaba punika lingga tangan inucap kadi ring ajeng, taler kaaturang ring :
 - a. (Kepala Desa Dinas) Sengowaan.
 - b. Camat Penebel.
 - c. Parisada Hindu Dharma Indonesia Kecamatan Penebel.
 - d. Badan Pelaksana Pembina Lembaga Adat Kabupaten Dati II Tabanan.
 - e. Parisada Hindu Dharma Indonesia Kabupaten Tabanan
 - f. Kepala Kantor Departemen Agama Kabupaten Tabanan.
4. Kaatur ring Guru Wisesa minakadi Bupati Kepala Daerah Tingkat II Tabanan, pinaka Murdhaning Pamikukuh.

LUWIR SANG NGALINGGA TANGANIN

BENDESA ADAT KERIDAN



I MADE NADI

Saksi - Saksi

1. Kepala Desa Senganan



I MADE DAWES DEKER

2. Parisadaha Kecamatan Penebel



I GDE LUHUR

3. CAMAT PENEHEL



DRS. I KETUT DAYENGWIGUNA

Nip. 070073314

Kawikanin Olih :

Badan Pelaksana Pembina Lembaga Adat
Kabupaten Dati II Tabanan



I MADE SUANDRA

2. Parisadha Hindu Indonesia
Kabupaten Tabanan



DRS. I MADE SAMBA

3. KEPALA KANTOR DEPARTEMEN AGAMA
KABUPATEN TABANAN



IDA BAGUS OKA

NIP. 150 011 815

Murdhaning Pamikukuh :

BUPATI KEPALA DAERAH TINGKAT II TABANAN



I KETUT SUNDRIA

**PANITIA KECIL
PENGURUS AWIG-AWIG DESA ADAT KERIDAN**

Ketua I : I Made Sumadana
Ketua li : Drs. I Made Sumadana

Sekretaris I : I Made Sucita
Sekretaris II : Drs. Gusti Putu KOMPIYANG SUANDA

Bendahara I : I Gusti Nyoman SUGIATNA
Bendahara : II I Nyoman NGENTEG. BA

Anggota :

1. I Wayan Suweca
2. I Gusti Made Raka
3. I Gusti Putu Darta, BA
4. I Gusti Putu Suwastika
5. I Made Suka

